

c. 796 —  
c. 800.

191.

*Alcvinus de intermisso cum Ricbodo archiepiscopo Trevirensi litterarum commercio queritur; ad horam expetit quaedam Leonis et Bedae scripta. Ad Sanctum Martinum invitat.*

c. 796 — c. 800.

*Cod. H fol. 18'—19<sup>a</sup>.*

*Edd. F 197, J 197. — Migne col. 442.*

5

MACHARIO PATRIARCHAE<sup>1</sup> ALBINUS SALUTEM.

*Eccli. 20, 32.*

Quid proficit sapientia abscondita vel thesaurum invisum, vel caritas muta? Num ignis in silice, nisi excutiatur, flammificat<sup>b</sup>? Quare tua, frater carissime, caritas taciturnitate obmutescit? Cur non movebis linguam ad dictandum, manum ad scribendum? Quid talentum humo obruis? Quare ammonitoria non currit cartula? Legat<sup>10</sup> quid desiderat; consideret quid faciat. Timeo, ne Muslense bacha<sup>c 2</sup> litterae submersae sint: tamen si tua taceat mihi fistula, aliis obsecro resonet, ut excitentur dormientes et sanentur languentes, et aures surdorum audient, et claudi viam disciplinae Dei currere<sup>d</sup> certent, ut fiat merces monstranti viam veritatis. Scriptum est:

*Apoc. 22, 17. 'qui audiat, dicat veni'.*

15

Vocatus fui, sed infirmitas praepedivit iter meum<sup>3</sup>. Vos loquimini quae<sup>e</sup> Deo placeant et ad sanam pertineant doctrinam. Omeliam sancti Leonis et tractatum beati Baedae in Tobia, deprecor, ut ad horam prestes nobis. Sed ut video porrectam habes manum ad accipiendum et collectam ad dandum. Iter vero, quod restat viae nostrae, deprecor sanctis orationibus vestris adiuvari, ut ad portam perpetuae civitatis<sup>20</sup> pervenire merear.

Si veniens veneris, excipiet te dextera Dei patris et adiuvaverit te intercessio sancti Martini<sup>4</sup>. Florentem te in omni bono et proficientem in sancto sapientiae studio divina comitetur et provehat<sup>f</sup> gratia, dilectissime frater.

192.

*Alcvinus Theodulfum Aurelianensem episcopum rogat, ut de ea, quam habeat, vini<sup>25</sup> copia sibi mittat, neque vero de novo, sed de vetere vino.*

796—800?

*Cod. H fol. 106'—107.*

*Edd. F 194, J 153. — Migne col. 394.*

PONTIFICI MAGNO ET PATRI VINEARUM TEODULFO<sup>a</sup> ALBINUS SALUTEM.

*1. Paral. 27, 27.*

Legimus in paralipomenon cellis praeesse vinariis<sup>b</sup> Zabdiam tempore David, Deo<sup>30</sup> dilectissimi regis. Modo miserante Deo meliori populo secundus praeest David<sup>5</sup> et sub eo nobilior Zabdias<sup>6</sup> cellis praeest vinearum. Quem ordinata caritate introduxit

191. <sup>a</sup>) Lemma: Ad Ricbodum archiepiscopum cognomento Macharium *H.* <sup>b</sup>) flāifaē *H.*  
<sup>c</sup>) muslense bacha *H* (muslense ba ab eadem manu in litura posita sunt). <sup>d</sup>) concurrere *H.* <sup>e</sup>) quod *H.*  
<sup>f</sup>) proveat *H.*

35

192. <sup>a</sup>) Teotulfo *H.* <sup>b</sup>) vinaris *H.*

1) Ricbodo archiepiscopo Trevirensi 781—804, 1. Oct. 2) Cf. *Ad Samuhel. episc. v. 21* (*Poet. Carol. I, 228*): tota Senonia bachis. 3) Cf. *infra ep. 242*: Vocatus fui ad dominum meum David, sed infirmitate tardatus non veni. 4) Turonensis. 5) Carolus rex. 6) Theodulfus. Alcvinus vinum non iniucundum fuisse Theodulfus his versibus demonstrat (*Poet. Carol. I, 488 v. 191 sqq.*): Et<sup>40</sup> pater Albinus sedeat pia verba daturus, | Sumpturusque cibos ore manuque libens. | Aut si, Bache, tui aut Cerealis pocla liquoris | Porgere praecipiat, fors et utrumque volet, | Quo melius doceat, melius sua fistula cantet, | Si doctrinalis pectoris antra riget; *V. Alc. c. 23 (SS. XV, 195)*: Utebatur isdem pater . . propter carnis infirmitatem vino modico.